

KHEN NGANA

PASIAN THUTAWH KIZEMSIAM

PAPA FRANCIS: BRAZIL VAITUN THUGENNA

Leitung muntuamtuam pan in honggum Christu Topa tungah kinga in, amah azuan khangno te tawh akimu dingin tuni in hitengah kei kahongpai hi. Topa angvan na nuai pen amaute bukna suangpi hi-in, Topa tawh kinai tawntungding leh Topa' hongsaawlina ahi, "Leitung munkhempeuh ah pai unla, mi khempeuhte keima nungzui nasuaksak un," hongcihna aw aza dingin hongki kaikhawm ahi uhhi.

Christu Topa in, amaute ading khawlmunnuam pia hi. Banghanghiam cih leh Topa tawh kilawmtakna hangin amaute lungtang sungpan ahongluangkha thagui sangin ahatzaw leh asangzaw thagui thatang koimah ah a omkei hi. Christu Topa in khangthak khangnote tungah muanna lianpi nei in, ama nasep laiding ahi, "Leitungm munkhempeuh ah pai in, mi khempeuh te ama nungzui asuaksakding," nasep pen amaute tungah ap hi. Pai un, mihing ngeina leh ngaihsutna ii khuapi uumna banga hongumcihna te kantan in pai unla, u nau sanggam ki-it na tawh akidim leitung suaksak un! Khangno te inzong, Christu Topa tungah alingngeilo muanna lianpi nei uhhi: Amau te lungkiasak ngeilo dinghi cih thei uh ahih man in, amaute neih nuntakna nangawn itsiklo leh laulo takin Topa ading apia te ahi uhhi.

Khangno te i cih in mailamkhang thu ahonglutna kong khak ahih manin, eite adingin ngaihsutding thutampi hongpia hi. Khangno khatciat tunga om, tua thumanpha te apicing takin hong palhkhiat theihna dingin, eite in hici bangin lam ilah ding ahihi.

Khangno te tungah bangci mun piakding cih i theih ding kisam hi; Leitungthu leh khathu te ah apicing khantohna aneihtheih nadingun lampi te i lakkhia dinghi; Amaute'n

nuntakna bulkip aneihtheih nangin huhna panpihna i pia dinghi; Amaute lungmuangtak a nuntakna ngahsak in, amaute pilna zonna ah amaute lunggulhna tawh kituak in suaktatak in zontheih sintheihna i neihsak ding kisam hi; Apicing nuntak na ahongpia atawntung atultheilo thumanpha te amaute tungah piaksawn dingzong i mangilh kei ding hi; Aman taktak lungnopna leh ahoih nasepna ding zongin ahanciamna te uhah, hih leitung piaktheih leh, leitungah akingahthei te sangin, asang zaw kicinna thumanpha a omna thu i theisak dinghi; Hih leitungah mihing manpha khata nuntakzia leh nuntakna thuciin thutangte khangno te tungah muamin i apding hi; Amaute mailam nuntakna leh amaute lampi te, amaute mahin sialin amuhtheih nadingun, amaute sunga a om thagui le tha tangte azatsiam nangun khanglosak phawksak in, no suaksak den ding cih thu leh mi khatciat ii nuntakna ah khat le khat khut kilen a, ma apangkhawm te hongsuah nading un makaih in i uap tawntung dinghi.

Theihsakna:

Hihpen Pope Francis ii Brazil Leitungbup RC Khangno Pawipi apai na ah, awaitun thugen napan konglakkhiat hi (*An excerpt from Pope Francis' First Speech In Brazil*). Keima hihtheihdan in eilaitawh kongletkhiat hi).